



Naalackersuisut Siulittaasuat & Nunanut allanut
tunngasunut Naalackersuisoq

Ulloq: 24. oktober 2013
J.nr.: 01.37.01.03-00075

Nuummi umiarsualivittaassaq (UKA 2013/18) pillugu allakkatigut apeqqutininut akissutit pillugit 18. oktober 2013-imi allakkiap malitsigisaanik apeqqutit

UKA 2013/18 pillugu ataatsimiititaliap apeqqutaanut akissutit ulloq 21. oktober 2013 Sanaartornermut Ataatsimiititaliamit tiguneqarput. Apeqqut 1 matuma kingulianiittoq naammaginartumik akissuteqarfigineqanngitsoq ataatsimiititaliaq isumaqarpoq: *Aalajangiiffigisassatut siunnersuummut Naalackersuisut tusarniaanermi akissutit pillugit allakkiamik ilanngussisimapput, tassanilu pingaarnertut tusarniaanermi akissutit eqqikkarneqarsimapput. Tusarniaanermi akissutinut isornartorsiuinernut, kaammattuutininut aamma oqaaseqaatinut taaneqartunut allakkiami itisiliissutitut Naalackersuisut sunik isumaliuteqarnerisut aamma oqaaseqaatissaqarnerisut Sanaartornermut ataatsimiititaliaq nassuiaateqaqqusivoq.*

Isornartorsiukkanut, kaammattuutininut oqaaseqaatinulluunniit tunnganersoq apeqqutaatinagu isumaliutigisat taakku imarisaat nassuiaatiginagit tusarniaanermi akissutit ilanngunneqartut eqqarsaatigalugit isumaliuteqartoqarnerisut pillugu Naalackersuisut nassuiaateqarsimasut ataatsimiititaliaq isumaqarpoq.

Naalackersuisunut allakkiaq taaneqartoq Naalackersuisut apeqqut 1-imut akissutaannut ilassutaasinnaasoq Naalackersuisut isumaqarpata allakkiaq taanna kalaallisut danskisullu ataatsimiititaliap ilisimatitsissutitut pissarsiarerusuppa.

Taamaattorli apeqqut 1-imut tamarmut Naalackersuisut akissuteqaqqullugit ataatsimiititaliamit qinnuigineqassapput, taamaalilluni isornartorsiukkanut, kaammattuutininut oqaaseqaatinullu aalajangiiffigisassatut siunnersuummik tusarniaanermut akissutini ilanngunneqartuni tamani oqaatigineqartunut, tassunga ilanngullugit, kisiisali pinnagit, Qeqqata Kommuniata isornartorsiugaannut Naalackersuisut isumaliutigisat oqaaseqaataallu nassuiaatigineqarsinnaaqqullugit.

Ataatsimiititaliap piffissaq suliarinninnissamut atugassaa eqqarsaatigalugu kalaallisut danskisullu allakkatigut akissuteqaammik **kingusinnerpaamik marlungornermi ulloq 29. oktober 2013** tigusaqarnissani Sanaartornermut Ataatsimiititaliap qinnutigaa. Akissutip qarasaasiakkut nuutinnera uunga nassiunneqassaaq rifre@inatsisartut.gl.

Inussiarnersumik inuulluaqqusillunga

Kim Kielsen

Ataatsimiititaliami siulittaasoq